

施南府志

道光丁酉孟秋

施南府志

揚州府東街

張有羅齋刊

施南府志序

文人之心可以騰九天入九淵汪洋
自恣而莫可究詰故莊列多寓言而
佛經亦閒出於六朝文士之手獨至
於修志則不容一字無來歷蓋書成
足以供後人之考據而不欲自疏於
考證重誤後人也古來著書之不必

施南府志

序

一

自己出者如郭象之注莊齊邱之化
書指不勝屈近代如橫雲山人之明
史稿爲萬季野作靈壽傅觀察之行
水金鑑爲鄭芷畦作百年之後終有
發其覆者獨至於修志則不蒙此譏
蓋守令簿書鞅掌牒訴倥傯無閉戶
著書之暇日而採訪資之紳士稽覈



責於吏胥斷非一人所可措手故秉
筆者知所鑒裁亦第綜其成而已施
南舊爲土司地前明設施州衛乾隆
元年始改土歸流而置郡縣焉余以
道光壬辰監試秋闈拜出守施南之
命下車以來首詢疆域之毘連版籍
之息耗非志乘莫詳也恩施志有刻

本建始志僅有寫本來鳳故有志燬
於兵此外向無邑志爲悵然者久之
學博羅君好古績學司鐸有年聞其
輯有府志稿本因索觀之大抵以宋
李二家爲粉本而增益之詳於往昔
略於今時猶非完書也乃檄各邑大
令及學師遴選諸生廣爲採訪遂於

癸巳之秋開局編纂而屬羅君葢其事六閱月而告成蓋自乾隆四十二年權太守呂公奉部咨取志書有事於此迄用無成歷五十餘年而始克就緒噫嘻艱哉余繙閱之餘見夫由川形勢之袤延土地人民之殷庶政與禮制之駭載戶口賦役之區別莫

不瞭如指掌而此邦人士之嘉言懿行與夫軼事舊聞皆得以有傳於世未嘗不歎羅君之用力甚勤而非游談無根者之所可擬也已

道光十四年太歲在閏逢敦牂月在修陬知施南府事豫章王協夢譔

施南府志序

事莫易於因莫難於創創之難難於無所因也顧亦有僅有所因實同於創者則不惟創者難卽因者亦難余於道光十年出守施南蒞郡數日羅君卽以所輯府志見示觀其蒐散佚摭新聞書事以實詳而不濫旣喜李

司訓之先有所創而懼君之善爲因也因以告羅君曰子知爲志之難亦知施南志之所以難乎天爲志難爲郡邑志而至文無可徵獻無可考則尤難子之爲斯志也自謂因於李君而李則未詳所因君亦實同於創耳余因之重有慨矣彼當文物聲明之

郡又遇名公鉅卿其人其爲志也旣
詳且備而後之官其土者又欲重考
而詳核焉操觚者或希意旨爲之□
年累月前之人無缺略可尋則又從
而訾議之增減之意謂吾繼古人之
後而能指摘其短救補所缺吾所爲
不已難乎嗟乎本詳也而妄減之則

缺本簡也□□增之則繁以斯爲難
亦何如善守古人之書而自爲其易
乎施之爲志非好爲志也不得已而
志也不得已而志則雖以李君啟於
前羅君繼於後而無文可考無獻可
徵創者本無可因因者實同於創而
卒不敢以此自諉者亦謂吾不敢謂

吾志之必爲完書也要亦使後之因
吾所因者爲更善於因耳今觀所志
如天文本不宜圖而兼設有二義將
何歸施州衛方輿書竟登雷君原書
全卷義亦未安其餘間有未協體要
者皆不惜辨而存之則其因同於創
與其不得已而作之苦心要非繼古

人後而妄爲增減者比也余方欲依
康對山武功陸清獻靈壽二志與羅
君相爲詳訂而以憲檄權知武昌未
返郡旋奉分巡鞏秦階之

命行且去楚矣夫志亦政也李君創
無可因羅君因同於創而卒能創之
能因之以視余之得繼李羅二君之

後而終未能善因所因益增余憾矣
夫余所憾者固憾於志也實亦憾於
政耳果能偕吾民而使沐浴
聖化而又鼓勵人材以輔

文治則雖荒陋之地且與文物聲明
之郡相頡頏矣志猶其後焉者耳吾
願卽吾所憾於政與志者告吾羅君

且告吾施郡之士民而仍欲以政與
志之善爲創善爲因者屬之新太守
云

賜進士出身分巡甘肅鞏秦階道前
施南府知府海豐吳式敏撰

施南府志序

施郡域介荆梁星分翼軫古爲廩君國地與夜郎接壤漢以來雖設沙渠建始二縣然分隸不常

本朝改衛爲府統縣六咸豐來鳳五代宋爲羈縻州宣恩利川則皆土司地也明鄒公維璉謫戍衛所旣稱其

士紳文學子弟彬彬又云去城數里卽在不華不夷之列是有漢官威儀特附郭左右爲然耳予奉

命視學楚北丙戌秋由省垣溯江二千餘里崎嶇萬山中復三四百里始達於施私念地僻陋倘文風稱是亦固然無足怪將抵郡遙望山川清浪

城郭莊嚴物豐饒而人秀潔已灑然
異之比肩試士莘莘循禮奏藝皆了
無俗韻予爲擊節歎賞亟欲徵求文
獻而屢經兵燹蕩廢無存僅得建始
縣抄本志一冊恩施縣刊本志二冊
建始志簡核有餘韻髣髴韓邦奇朝
邑志之遺最爲善本然不著撰人名

氏亦無序跋恩施志修於嘉慶戊辰
規模粗具中載建元子傳姓王名封
鎮稱雍正甲辰館容美土司署中纂
施州衛志其用筆謹嚴簡潔者今亦
未見傳本予甚悵悵而府學博羅君
乃出其所纂府志二十餘卷相質凡
山川封域沿革建置以及土田賦稅

官師人物古蹟藝文數千年埋沒於
蠻烟瘴雨中者皆了了得窺其眉目
其用心甚勤而載筆亦差不苟矣予
乃作而言曰猗歟休哉

聖朝郅化之隆至此極哉憶斯地當
十八崗土司時不惟無以自拔於侏
儻椎髻而弱肉強食亦莫保其生迨

郡縣建置一同內地易獷悍爲醇良
以文章澤椎魯自乾隆改元以來迄
今九十餘年

列聖相承重熙累洽人皆知禮義而
習詩書嘉慶初年教匪闖入守土之
臣督率士民兵勇奮力攻圍殲擒淨
盡讀

仁宗皇帝嘉獎諭旨可知此邦之有人而不虛

高宗皇帝生聚教訓歲糜數萬金之大澤矣羅君績學好古振鐸於此能以餘力網羅遺文裒成大帙吾知經義治事之所陶鑄必更有詹邈其人出而膺宏博之選者山川英華積久

必發吾固有望於諸生而此書之成亦望賢太守及各屬良司牧速付梨棗以爲雞次之典可也

道光七年丁亥冬十月湖北督學使者廬陵王贈芳撰

施南府志後序

修史之難莫難於志文通江氏嘗言之矣蓋綜一代之典章制度徵文考獻勒成一書非才學識之兼長烏能折衷體要以傳世而行遠乎此史志之所以難也若郡縣之志雖與史志差同而成之較易蓋地近則見聞皆眞事約則網羅亦易采而輯之不資著作之才也顧亦有難焉者遐方僻壤沿革無稽貿俗殊風敷陳非典則討論難且其體兼表傳官師人物或不盡可傳古蹟藝文或不堪稱述則潤色難至一方之孝子貞婦義烈可

施南府志

後序

一

風者或貧賤而不能上達或年遠而事蹟失記九原不作望古徒勞則難在採訪若其稍有勢力者則又妄意干名賄邑紳浼當事佳傳索米穢史貽譏則難在核實各郡邑志類然今於施志觀之猶信施在勝國爲各土司地至

本朝始悉列郡縣求之前史已缺略不備又安有圖籍傳記可考哉是以改設近百年郡志尙無成書亦難之也余於辛巳夏五秉鐸斯郡搜訪或志大半散佚無存僅得李司訓舊稿頗嫌缺略爰不揣固陋從而增修焉

星野疆域則考之列史山川城池則參之省志賦役職
官選舉則稽之檔案人物風俗藝文則得之採訪蒐遺
補闕釐爲三十卷其間更定體例訂正舊稿殆過半焉
旣成以質郡伯朱勳楣先生謬蒙許可卽擬鳩工付棹
旋擢清河觀察以去乃以稿授左晦亭明府囑蒞事焉
夫以崑之譎陋而輒犯所難極知僭妄有愧文通之言
然使問俗茲土者知我
朝文德覃敷能使苗蠻向化變狃榛而爲文明斯亦千
載一時也則藉此以敷揚

施南府志

後序

二

美盛歌頌

昇平外史之本職亦儒生之素志也夫是爲序
道光二年十一月朔雉城羅德崑撰

例言

一衛志有唐氏箴童氏景王氏封鎮抄本今祇存王志

其書蓋亦本唐童二志而成粗具衛事其於各土司事已不能詳至於歷代沿革闕如也宋氏鼂本之爲

府志無所增益李氏宗汾府志考及沿革間有刊正

猶嫌擇焉不精未免秕糠雜糅然猶賴三書之存得以藉爲粉本焉

一各土司傳授爲茲地沿革大端蓋自唐宋以來已有土司宋史既有施州徼外蠻列傳而西南溪峒諸蠻

施南府志

卷首

例言

一

傳中間涉施州事爲施志者遂將傳中諸崗長事雜然引入此疆爾界不割鴻溝踵謬承訛幾同蜃市茲詳爲刊正不敢稍爲附會致類尋源鑿空

一郡境山川各邑所賚清冊倫次不一茲分四正四隅由近及遠先山後水眉目較清

一舊志載名宦十七人鄉賢八人此外尙有其人緣未經呈請咨題不敢率爲品目今各爲小傳附列名宦鄉賢傳後則知馨香未薦頌遍棠陰綽楔未崇型垂梓里固不必以人往風微爲憾也

一 人物志中所收稍寬蓋善善從長之義然品誼文章胥俟蓋棺論定故凡其人現存概不立傳惟節孝婦女核其守節年例相符無論曾否呈請旌表存歿皆得備書至於已入人物節孝諸志者其子若孫或係貢衿亦附入傳中以見善人之有後焉

一 前代詩文凡有關於風土者皆據本錄存至近人之作未能徧徵其尋常贈答寄興之篇無關施郡事蹟者雖工不錄

一 各郡邑志別出金石一門施郡鐘銘鼎識經見無多

施南府志

卷首

例言

二

斷碣殘碑摩挲不數其有足備文獻者已附見藝文志中故不更列此部

一 志中六邑事蹟詳略間有不同由所賚清冊原有詳略故也其不能詳者又由向無邑志草創綦難也是所望於博雅君子因略求詳各爲邑志庶幾補苴罅漏後之秉筆者有事半功倍之幸焉

舊志稿姓氏

明

沈慶 僉事聘士修志

彭鏞 衛廣文

黃溥 由蜀臬謫衛經歷

高維勉 衛廣文

葉庭蘭 建司訓沈僉事聘修志

王聰 衛廣文

鄒維璉 吏部郎謫戍施州

施南府志 **卷首** 姓氏

一

龐一德 衛廣文

童泉 衛指揮靖州參戎

童希益 衛庠生

李一鳳 衛孝廉

鮑揮金 衛庠生

鄧宗啟 衛貢生

周鎬 衛歲貢生

張延齡 衛歲貢生

按諸家志稿兵燹之後無一存者

童天衢 衛歲貢生

唐箴 衛歲貢生

國朝

王封鎮 衛庠生

按三家志稿宋司訓修志時猶存今僅得王志抄

本餘佚

宋 鼇 恩設施未久又乾隆開局徵取其書甚略 卷未刊時

李宗汾 府學訓導乾隆四十二年續修府志八卷未刊

施南府志

卷首 姓氏

施州衛掌故初編序

明 龐一德

人恒言王者有分土無分民蓋衆建諸侯之勢也有明
天下一家戴髮含齒之倫莫不尊親尙以分土言乎十
四司則吾土也述封域第一文武並重長久之道修城
□屬兵戎尙矣兩階舞而有苗格重譯貢而越裳來今
何如耶述建置第二耳目心志無尺寸不兼愛焉故日
必再食若併日而食卽養體不充如兼愛何以食爲天
而施則仰重夔以給不富可知述食貨第三建置食貨
事權並重然地利也總而理之存乎其人備錄文武職

施南府志

舊序

一

官而附以土司是國之制也述官司第四施州冠帶肇
自隋代卽先世猶然左衽而巴蔓子効忠乃在成周之
季非其地靈異乎由今而家伊呂戶程周矣述人物第
五堯言布於天下二百年來存者亦何寥寥幸而其書
及覩敢勿一載乎述制書第六深山大澤實生龍蛇聖
皇在宥日久四境承平而蹟不忘起寧謂無人述前事
第七稽古無寧居今彼歷其地親其事非實見得誰肯
嘒嘒取罪述前言第八天有星辰地有草木而後天地
之文顯揆華摛藻煥然可觀述藝文第九集旣成因題

其首曰掌故初編授之都人士以俟異日討論云爾□

施州衛志原序

明 高維勉

施州衛荆梁二州之域秦漢以來或隸黔或隸蜀至後周置亭州又置施州後改爲庸爲業又改爲清江郡宋元稍仍其舊國朝因時制宜廢州入衛以統軍民而轄蠻夷初年規制荒略舊志脫誤久矣景泰中東溪沈公涖施嘗修其志然而漏缺尙多予來施青氊多暇徧訪山水古迹乃知唐宋儒先君子若裴山陵李供奉黃文節喬大博朱相國張使君與夫杜少陵蘇文忠輩或謫

施南府志

舊序

二

宦或寄遊觸景題咏猶傳誦於鄉人彰彰可驗間與建始教諭葉君庭蘭讐校其無疑者悉收入之嗚呼是豈徒哉之數君子者道德文章皆足以垂世範俗天下仰爲高山者也志之於茲庶幾高風雅韻草木爲香後之來斯者以是求之想見其人而思慕興起士習得不益美風俗得不益厚乎於以是仰副皇上採風問俗之意或亦無愧焉耳

重修衛志原序

鄒維璉

夫天地風氣始於樸樸則開開則盛故聖人不能不用

□以救忠質之窮第其過靡則節之故曰文明以止□
觀施域雖隣夷而漢官威儀士伸文學父老子弟彬彬如
也乃去城不數里民則處於不華不夷之間以先王垂
世大教莫如冠裳而民且有不冠之首他又可知若然
者豈以種雜槃瓠難遊文明之治乎夫三代以上之中
國南不過江黃吳楚四大國春秋夷之至於兩浙七閩
百粵之區漢武始入職方前此斷髮文身章甫無用者
今則家絃戶誦文學比於鄒魯何盛也無亦風氣有必
開之漸而人事又迎其機與之更始也且漢武初通西

施南府志

舊序

三

南夷使司馬相如馳檄諭蜀不有蜀不變服巴不化俗
之語乎施隣巴蜀此亦可鑒也則安見其有作新而槃
瓠不可化而中國荒服不可進而鄒魯耶施自隋唐以
來本列州郡高帝爲控馭十四土司省州入衛要非得
已其設學餼諸生則數更豐於他郡可見聖神本意亟
欲用夏變夷新此一方民而民可自外德化上可漫無
勞來匡直之計哉然欲化民成俗又當先體省州入衛
之故而後措諸安全夫國初設衛以衛民耳其弊也借
民衛衛又其弊也土著不能衛衛乃借客兵以衛□□

天下軍政之大弊也施更可異戶籍減額餉停夫既不
能自衛矣而土著客兵之衛衛者亦安在甚至雉堞盡
圯藩籬可撤此不過尋渙而溺鴛馬有戀棧之思連雞
無俱棲之勢他則孰以僻陋爲虞耳不思恃陋而不備
莒之所以見襲於楚者語曰非我族類其心必異安有
斗大孤城逼處豺狼窟中而幸彼爲孝子順孫永遠就
我戎索哉且今雖羈縻漢法能如數十年前肅然不爽
尺寸否察影見形智者事也吾願蒞斯土者無以處燕
樂遙制者無以鞭長勒馬□用對高帝用夏變夷之休

施南府志

舊序

四

命則李大夫岐陽修乘深意不過在是卽璉借空言以
維封疆少報聖天子不殺之恩亦端在是矣僭爲之序

施南府志序

國朝

王如珪

施南府土流相間處也西通巴蜀南接辰湘屹然荆楚
屏蔽自唐宋來爲州爲郡間有開擴卒未盡冠帶之倫
明祖省州入衛衆建土司而羈縻之豈棄此一方民哉
抑徐以俟之也我
朝初任舊制而聲靈赫濯遠邁於前故雖鼠穴自鬪而
狼突無聞非復前此之蠢茲不恭矣逮其後

聖聖相承重熙累洽無微不徹而苗頑之負固者皆回
心向化此府之所由設也間考苗民逆命始自唐虞其
見於虞書者曰舞干羽於兩階七旬有苗格呂刑曰哀
矜庶戮之不辜報虐以威遏絕苗民無世在下今東鄉
忠建施南三司之以罪改流則苗民遏絕之威也忠崙
等十五土司之自請歸流則干羽兩階之德也世之相
後數千餘歲而心法治法無不脗合方且舉堯舜來引
而未伸者盡衽席之則我

朝之深仁厚澤爲何如哉

臣如珪

承乏施南守計其賦

施南府志

舊序

五

役之科俸工兵餉之額未始不有若獲石田之疑也繼
乃檢閱卷宗得悉土官種種罪惡然後歎

大聖人之如天好生歲捐數萬金以救此一方民固如
此其至也今之踐土食毛者寧可不思耕田鑿井之自
官斯土者國計民生苟不深籌熟慮振興撫恤何以塞
尸素責哉舊衛志在荆府中不逮三分之一附見於荆
志矣頃以荆府修志行當乙去不惟慮前賢之寢晦且
恐歲久文湮傳聞異辭我

國家百年涵濡並育之量安能家喻而戶曉乎顧以前

無善志創始維艱郡在叢山邃谷中四方人文罕至用是遲迴久之繼乃得郡人王生所輯志略頗見一斑怡然曰恩建二縣原屬內地因陋就簡粗可成書其他新

□之處謹按其山川封域及其改設源流以志我

□家之仁育義正振古無前斯亦守土之責而勸忠之

□矣至改設以來章程未定垣墉暨茨樸斲丹艧之功

□自茲始雖非空言之所能效而覽是書者或亦行遠

登高之一助也爰命恩施訓導臣宋鏊查校舊聞及新

闢之制而纂輯之以存草創之□□□是爲序

施南府志目錄

卷首

序文 凡例 姓氏 舊序 目錄 各圖

卷之一

疆域志 形勢 星野

卷之二

疆域志 沿革

卷之三

疆域志 山川

施南府志  卷首 目錄

一

卷之四

疆域志 古蹟

卷之五

建置志 城池 關隘

卷之六

建置志 公署 倉庫 坊市 村鎮 津梁

卷之七

建置志 學校 義學

卷之八

典禮志 壇廟 儀注

卷之九

典禮志 祠宇 寺觀 冢墓 義冢

卷之十

典禮志 風俗

卷之十一

食貨志 戶口 物產

卷之十二

食貨志 田賦 雜稅 鹽引

施南府志

卷首 目錄

卷之十三

食貨志 賦役

卷之十四

食貨志 祭祀 廉俸 工役 普濟

卷之十五

食貨志 蠲卹

卷之十六

武備志 營制 俸薪 餉額

卷之十七

武備志 兵事

卷之十八

武備志 控制

卷之十九

官師志 文職表

卷之二十

官師志 武職表

卷之二十一

官師志 世職

施南府志

卷首 目錄

卷之二十二

官師志 名宦

卷之二十三

選舉志 科貢

卷之二十四

選舉志 武勳 捐職 封贈

卷之二十五

人物志 鄉賢 行誼 忠義 孝義 流寓

卷之二十六

人物志 列女

卷之二十七

藝文志 詩

卷之二十八

藝文志 文

卷之二十九

藝文志 文

卷之三十

雜志 雜記 祥眚 辨訛

施南府志  卷首 目錄

四

施南府疆域圖

施南府志

卷首圖


一





施南府志

卷首圖



施南府志

卷首圖

圖

三二





施南府志


卷首圖



施南府志

卷首圖

五






施南府志

卷首圖



施南府志


卷首圖





施南府志


卷首圖



施南府志


卷首圖


九




施南府志

卷首圖





施南府志
卷首圖






施南府志

卷首圖


十二


來鳳縣治圖



施南府志

卷首圖





施南府志

卷首圖


咸豐縣境圖

施南府志

卷首圖


十五






施南府志

卷首圖




施南府志

卷首圖



十七



施南府志

卷首圖


利川縣境圖



施南府志

卷首圖


十九






施南府志

卷首圖





卷首圖



施南府志

卷首圖





施南府志

卷首圖


二十三





施南府志


卷首圖



施南府志


卷首圖


二十五



施南府志


卷首圖





施南府志


卷首圖



施南府志

卷首

圖







施南府志

卷首圖


二十九





施南府志


卷首圖




施南府志

卷首圖

三十一





施南府志

卷首圖

三十二


卷首圖


施南府志

卷首圖

三十三

中軍都司署圖






施南府志


卷首圖


三十四



施南府志

卷首圖







施南府志

卷首圖

三十六






施南府志


卷首圖

三十七



施南府志


卷首圖





施南府志

卷首圖

圖







施南府志

卷首圖